



Broj: Oi-K-783/25

Datum: 03.09.2025. godine

Na osnovu člana 36. Zakona o ombudsmanu za ljudska prava Bosne i Hercegovine („Službeni glasnik BiH“, br. 19/02, 35/04, 32/06, 38/06, 50/08 i 61/23), člana 37. Poslovnika o radu Ombudsmena za ljudska prava Bosne i Hercegovine, te člana 12. stav 3. i stav 5. Pravilnik o vršenju poslova preventivnog mehanizma za sprječavanje mučenja i drugih okrutnih, nečovječnih ili ponižavajućih postupaka i kazni u Bosni i Hercegovini, broj: Oi-K-BL-670-1/24 05.09.2024. godine Ombudsmeni Bosne i Hercegovine na svojoj 10. redovnoj sjednici održanoj 03.09.2025. godine, donijeli:

ODLUKU

o usvajanju Liste eksperata za saradnju sa Institucijom ombudsmena za ljudska prava BiH u obavljanju poslova Preventivnog mehanizma

Član 1.

Ovom odlukom usvaja se Lista eksperata za saradnju sa Institucijom ombudsmena za ljudska prava Bosne i Hercegovine u obavljanju poslova Preventivnog mehanizma, koja čini sastavni dio ove Odluke.

Član 2.

Eksperti će se angažovati sa usvojene liste, u skladu sa potrebama Institucije ombudsmena za ljudska prava Bosne i Hercegovine i raspoloživim sredstvima.

Član 3.

Angažman stručnih osoba i predstavnika organizacija civilnog društva sa liste vršit će se tek nakon provedenih sigurnosnih provjera, u skladu sa članom 12. stav 5. Pravilnika o postupku izbora i načinu rada stručnih osoba i organizacija civilnog društva u obavljanju poslova Preventivnog mehanizma

Član 4.

Prilikom svakog angažiranja eksperata i organizacija civilnog društva sa liste vodit će se računa o načelu izbjegavanja sukoba interesa. Ombudsmeni će cijeliti sve relevantne okolnosti koje bi mogle dovesti u pitanje nepristrasnost, nezavisnost ili objektivnost angažiranih stručnih lica i organizacija, kako prilikom donošenja odluke o angažmanu, tako i u toku izvršavanja povjerenih zadataka.

Član 5.

Ova Odluka objavit će se na web stranici Institucije ombudsmena za ljudska prava BiH zajedno sa Listom.

Član 6.

Ova Odluka stupa na snagu danom donošenja.

Obrazloženje

Povjerenstvo za izbor povodom Javnog poziva za izbor saradnika u obavljanju poslova Preventivnog mehanizma za sprečavanje mučenja, i drugih oblika okrutnog, nečovječnog ili ponižavajućeg postupanja i kažnjavanja u Bosni i Hercegovini, formirano u skladu sa članom 12. stavom (1) Pravilnika o vršenju poslova preventivnog mehanizma za sprečavanje mučenja i drugih okrutnih, nečovječnih ili ponižavajućih postupaka i kazni u Bosni i Hercegovini provelo je postupak razmatranja prijave pristiglih po Javnom pozivu od 02.06.2025. godine. U periodu od 04. do 07. augusta 2025. godine obavljeni su intervjui sa 48 kandidata i predstavnicima četiri organizacije civilnog društva koje su ispunjavale formalne uvjete Javnog poziva. Tokom intervjua kandidati su prezentirali svoje profesionalno iskustvo i kompetencije. Povjerenstvo ih je upoznalo sa obavezama i načelima rada u okviru Preventivnog mehanizma, uključujući terenski rad, posjete ustanovama i poštovanje etičkih standarda.

Na osnovu provedenog postupka, Povjerenstvo je, u skladu sa članom 12. stavom (3) Pravilnika, pripremlilo prijedlog odluke sa obrazloženjem i dostavilo ga Ombudsmenima Bosne i Hercegovine. U prijedlogu su jasno naznačeni kandidati i organizacije koje ispunjavaju kriterije, uz ukazivanje na eventualne okolnosti koje mogu predstavljati ograničenje ili sukob interesa. Kandidati i organizacije za koje je utvrđeno da ispunjavaju propisane uslove stavljeni su na Listu eksperata i organizacija civilnog društva za potrebe rada Preventivnog mehanizma, te mogu biti angažirani ovisno od potreba Preventivnog mehanizma.

Ombudsmeni Bosne i Hercegovine su na 10. redovnoj sjednici održanoj 03.09.2025. godine razmotrili i usvojili prijedlog Povjerenstva, te donijeli odluku kao u dispozitivu. Angažman eksperata sa liste, u skladu sa članom 12. stavom (5) Pravilnika, vršit će se tek nakon provedenih sigurnosnih provjera sukladno Zakonu o zaštiti tajnih podataka.


Protiv ove odluke nije dozvoljena žalba, u skladu sa odredbama člana 22 Zakona o ombudsmanu za ljudska prava Bosne i Hercegovine,

Ombudsmani Bosne i Hercegovine




Nives Jukić


dr. Nevenko Vranješ


dr. Jasminka Džumhur

Prilog: Lista eksperata

Dostaviti:

- Imenovani
- Odjel za vršenje poslova Preventivnog mehanizma u okviru Institucije Ombudsmena za ljudska prava BiH
- a/a